

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Islahijet bb, telefon 049 218-220, faks 049 218-438
Ислахијет бб, телефон 049 218-220, факс 049 218-438
www.revizija-bd.ba

Broj: 01-02-07-13-292/16
R: 07-05; 013-05/16

IZVJEŠTAJ
O REVIZIJI FINANSIJSKOG POSLOVANJA
Ureda gradonačelnika
za period 01. 01. -31. 12. 2015. godine

Brčko, juni 2016. godine

SADRŽAJ

NEOVISNO REVIZORSKO MIŠLJENJE	3
1. REZIME DATIH PREPORUKA.....	5
2. UVOD	7
3. OPĆI DIO.....	7
4. PREDMET, CILJ I OBIM REVIZIJE	8
5. OSVRT NA NALAZE I PREPORUKE IZ PRETHODNE REVIZIJE.....	8
6. NALAZI I PREPORUKE.....	9
6.1. Rukovodstvo i sistem internih kontrola	9
6.2. Usklađenost sa zakonskim propisima	10
6.3. Plan i realizacija planom predviđenih zadataka.....	12
6.4. Planiranje i izvršenje tekućeg budžeta	13
6.4.1. Izdaci za bruto plate	13
6.4.2. Izdaci za službena putovanja u zemlji i inostranstvu.....	13
6.4.3. Ugovorene usluge.....	14
6.4.4. Tekući grantovi	14
6.5. Planiranje i izvršenje kapitalnog budžeta.....	16
7. KOMENTAR.....	16
8. PRILOZI IZVJEŠTAJA O REVIZIJI	17

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Islahijet bb, telefon 049 218-220, faks 049 218-438
Ислахијет бб, телефон 049 218-220, факс 049 218-438
www.revizori-bd.ba

URED GRADONAČELNIKA BRČKO DISTRIKTA BiH
Na ruke Gradonačelnika, dr. Ante Domića

NEOVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Ureda gradonačelnika Brčko distrikta BiH (u daljnjem tekstu: Ured gradonačelnika) za period **01. 01. - 31. 12. 2015.** godine, te reviziju usklađenosti poslovanja s važećim zakonskim i drugim relevantnim propisima.

Odgovornost rukovodstva

Gradonačelnik je odgovoran za finansijsko poslovanje Ureda gradonačelnika i usklađenost poslovanja sa važećim zakonskim i drugim relevantnim propisima. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju kao primjerenost i ponašanje rukovodnog osoblja nad sredstvima i imovinom koja mu je data na upravljanje.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, brojevi 40/08 i 29/14) i primjenjivim okvirom ISSAI revizijskih standarda. Ovi standardi nalažu da radimo u skladu s etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno sa važećim zakonskim i drugim relevantnim propisima.

Revizija uključuje sprovođenje postupaka u cilju pribavljanja revizorskih dokaza o usklađenosti finansijskog poslovanja. Izbor postupaka je zasnovan na revizorskom prosuđivanju, uključujući procjenu rizika materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za finansijsko poslovanje, u cilju osmišljavanja revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Osnov za izražavanje mišljenja

Nakon obavljene revizije finansijskog poslovanja, skrećemo pažnju na slijedeće:

- Pojedinih neprofitnim organizacijama dodjeljivani su grantovi, a iste nisu dostavile dokaz da za istu svrhu i namjenu nisu dobile grant (ili im nije odobren) ni od jednog drugog budžetskog korisnika u tekućoj godini ili nisu dostavile izvještaj o utrošku novčanih sredstava dodijeljenih po osnovu granta prethodne godine, što nije u skladu sa odredbama Odluke o kriterijima za dodjelu grantova gradonačelnika Brčko distrikta BiH i Naredbe gradonačelnika od 22.06.2015. godine, koja je donesena sa ciljem utvrđivanja i kontrole isplate grantova (tačka 6.4.4. Izvještaja).
- Nije izvršen popis potraživanja od zaposlenika u iznosu od 13.546,94 KM, po osnovu datih akontacija za službeno putovanje, što nije u skladu s odredbama Uputstva o radu popisnih komisija i obavljanju popisa sredstava, potraživanja i obaveza (tačka 6.4.2. Izvještaja).
- Ured gradonačelnika sa pojedincima je zaključivao ugovore o obavljanju privremenih i povremenih poslova, koji su u toku 2015. godine trajali duže od 90 dana, što nije u skladu sa odredbama člana 109 Zakona o radu Brčko distrikta BiH. Po navedenom osnovu isplaćeni su izdaci u najmanjem iznosu od 38.434,01 KM (tačka 6.4.3. Izvještaja).
- Gradonačelnik u ime Vlade i Distrikta nije, u roku propisanim Odredbama Statuta Brčko distrikta BiH, podnio Skupštini na razmatranje prijedlog godišnjeg budžeta za 2016. godinu (tačka 6. 3. Izvještaja).

Mišljenje s rezervom

Po našem mišljenju u finansijskom poslovanju Ureda gradonačelnika u toku 2015. godine, osim efekata navoda u prethodnoj tački, nije bilo značajnih neusaglašenosti s važećom zakonskom regulativom i odobrenim pozicijama budžeta.

Zamjenici glavnog revizora
Amra Ilić, dipl. oec.

mr. sci. Savo Grujić, dipl. oec.

Glavni revizor
Nekir Suljagić, dipl. oec.

1. REZIME DATIH PREPORUKA

- *Potrebno je donijeti sva nedostajuća akta i uskladiti postojeća u skladu sa zakonskim propisima, te vršiti dosljednu primjenu istih, radi uspostavljanja sistema internih kontrola i usklađenosti poslovanja sa zakonskim propisima.*
- *Potrebno je u roku predviđenim odredbama Zakona o reviziji javne uprave i institucija u Brčko distriktu BiH, dostaviti Uredu za reviziju javne uprave i institucija u Brčko distriktu BiH program mjera za prevazilaženje propusta i nepravilnosti utvrđenih u revizorskom izvještaju.*
- *Potrebno je, da Ured gradonačelnika poduzme aktivnosti na donošenju novog organizacionog plana, u skladu sa odredbama Odluke o kategorizaciji radnih mjesta u organima javne uprave Brčko distrikta BiH.*
- *Potrebno je, da gradonačelnik, pri provođenju procedure izbora i imenovanja predsjednika, zamjenika predsjednika i člana Komisije za papire od vrijednosti, postupa u skladu sa Zakonom o papirima od vrijednosti.*
- *Potrebno je, da gradonačelnik blagovremeno poduzme aktivnosti vezane za imenovanje nedostajućih članova upravnih odbora pravnih lica koja osniva Brčko distrikt BiH i javnih preduzeća, u skladu s odredbama Zakona o pravnim licima koja osniva Brčko distrikt BiH i Zakona o javnim preduzećima u Brčko distriktu BiH.*
- *Potrebno je, da Ured gradonačelnika vrši objavljivanja akata gradonačelnika u skladu sa odredbama Zakona o vladi Brčko distrikta Bosne i Hercegovine i Zakona o Službenom glasniku Brčko distrikta Bosne i Hercegovine.*
- *Potrebno je da Inspektorat u skladu sa odredbama Zakona o sigurnosti i zaštiti zdravlja radnika na radu izradi navedene pravilnike, te da iste predloži Vladi Brčko distrikta BiH na usvajanje.*
- *Potrebno je redovne sjednice Vlade Brčko distrikta Bosne i Hercegovine održavati najmanje jedanput sedmično, u skladu sa odredbama Statuta Brčko distrikta Bosne i Hercegovine.*
- *Potrebno je godišnji program rada Vlade Brčko distrikta BiH, donijeti u roku koji je regulisan odredbama Poslovnika o radu Vlade Brčko distrikta BiH.*
- *Potrebno je, da gradonačelnik blagovremeno izvrši podnošenje prijedloga godišnjeg budžeta Skupštini na razmatranje, kako je to regulisano odredbama Statuta Brčko distrikta BiH.*
- *Potrebno je, da Ured gradonačelnika u odnosu na svoje potrebe kvalitetno i realno planira budžetska sredstva, kao i da poštuje odredbe Zakona o budžetu Brčko distrikta BiH i Zakona o izvršenju budžeta Brčko distrikta BiH za 2015. godinu, u dijelu efikasnog raspolaganja odobrenim budžetskim sredstvima.*

- *Potrebno je, izvještaje o službenom putovanju sačinjavati u skladu s Odlukom gradonačelnika u dijelu izjave, da li su plaćeni troškovi smještaja i ishrane.*
- *Popisna komisija, bila je u obavezi izvršiti popis potraživanja od zaposlenika, po osnovu datih a neopravdanih akontacija za službeno putovanje, što je propisano Uputstvom o radu popisnih komisija i obavljanju popisa sredstava, potraživanja i obaveza.*
- *Potrebno je da se Ured gradonačelnika, prilikom zaključivanja ugovora o privremenim i povremenim poslovima, dosljedno pridržava odredbi Zakona o radu Brčko distrikta BiH.*
- *Potrebno je, sredstva grantova udruženjima (neprofitnim organizacijama) odobravati u skladu s Odlukom o kriterijima za dodjelu grantova Gradonačelnika Brčko distrikta BiH.*
- *Potrebno je da se Komisija, prilikom razmatranja zahtjeva i provjere ispunjavanja uslova za dodjelu grantova, dosljedno pridržava odredbi Naredbe gradonačelnika, u dijelu provjere dokaza da podnosilac zahtjeva, nije dobio grant (ili mu nije odobren) ni od jednog drugog budžetskog korisnika u tekućoj godini.*
- *Potrebno je, da se Komisija prilikom razmatranja zahtjeva za dodjelu grantova neprofitnim organizacijama (udruženjima), dosljedno pridržava odredaba Odluke o kriterijima za dodjelu grantova gradonačelnika Brčko distrikta BiH, u dijelu provjere vjerodostojnosti izjave podnosioca zahtjeva, odnosno da isti nije bio korisnik granta Kabineta gradonačelnika u prethodnoj godini.*

2. UVOD

Obavili smo reviziju finansijskog poslovanja Ureda gradonačelnika, na osnovu ovlaštenja datih Zakonom o reviziji javne uprave i institucija u Brčko distriktu BiH i drugim relevantnim propisima na osnovu godišnjeg plana revizija.

3. OPĆI DIO

Ured gradonačelnika u skladu s članom 19 Zakona o javnoj upravi Brčko distrikta BiH obavlja: poslove iz statutarne i zakonodavne nadležnosti gradonačelnika, zamjenika gradonačelnika i glavnog koordinatora Vlade, planiranje rada Vlade, provođenje strategije razvoja Brčko distrikta BiH, nadzor nad radom Ureda, nadzor nad provođenjem politike Vlade i godišnjih planova rada, pripreme sjednica Vlade, komunikaciju između organa javne uprave i komunikaciju s javnošću, stručne i administrativne poslove za potrebe Vlade, pripremu, koordinaciju pripreme i izrade nacrtu zakona, odluka, instrukcija, pravilnika i drugih podzakonskih i općih akata, vođenje drugostepenog upravnog postupka, reformu javne uprave Brčko distrikta BiH, vođenje postupka po žalbama i pritužbama građana, proces evropskih integracija i regionalne saradnje, njegovanje zaštite ljudskih prava, planiranje i provođenje inspekcijanskog nadzora, provođenje politike i postupaka zapošljavanja u javnoj upravi, primjenu standarda i pravila etike u javnoj upravi, upravni nadzor i informatičku podršku Vladi Brčko distrikta BiH.

Organizacionim planom utvrđuje se unutrašnja organizacija Ureda gradonačelnika na način kojim se osigurava:

- zakonito, efikasno, blagovremeno i ekonomično izvršavanje svih poslova iz nadležnosti Ureda gradonačelnika,
- ostvarivanje pune zaposlenosti zaposlenika i maksimalno korištenje njihovih stručnih znanja i potpune odgovornosti izvršilaca,
- efikasno rukovođenje, sistematsko unapređivanje rada, saradnja s drugim odjeljenjima i informisanje javnosti.

Za izvršavanje poslova iz nadležnosti Ureda gradonačelnika, u skladu sa Organizacionim planom, utvrđeni su slijedeći organizacioni dijelovi:

- Kabinet gradonačelnika,
- Sekretarijat Vlade:
 - Sektor za informisanje
 - Sektor za koordinaciju politika i opšte poslove
- Zakonodavna kancelarija,
- Inspektorat,
- Apelaciona komisija,
- Odbor za zapošljavanje,
- Upravna inspekcija i
- Kancelarija za evropske integracije

Organizacionim planom predviđeno je ukupno 142 zaposlenika, dok je na dan 31.12.2015. godine Ured gradonačelnika imao 125 zaposlenika.

4. PREDMET, CILJ I OBIM REVIZIJE

Predmet revizije je finansijsko poslovanje u 2015. godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja sa zakonskim i drugim relevantnim propisima.

Cilj revizije finansijskog poslovanja Ureda gradonačelnika je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu s cjelokupnom zakonskom važećom regulativom Brčko distrikta BiH, kao i planiranim pozicijama budžeta. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Revizija informiše javnost, nadležne organe i institucije o nalazima i preporukama, pravovremenim i javnim objavljivanjem revizorskog izvještaja.

Obim revizije je utvrđen internim planskim dokumentima revizije finansijskog poslovanja za 2015. godinu.

Obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

5. OSVRT NA NALAZE I PREPORUKE IZ PRETHODNE REVIZIJE

Ured za reviziju javne uprave i institucija u Brčko distriktu BiH, izvršio je reviziju finansijskog poslovanja Ureda gradonačelnika za 2014. godinu i dostavio konačan izvještaj broj: 01-02-03-13-342/15, dana 04.08.2015. godine. Ured gradonačelnika je sačinio Program mjera za prevazilaženje propusta i nepravilnosti utvrđenih u revizorskom Izvještaju za 2014. godinu, broj: 13-002283/15 od 06.11.2015. godine. U postupku prerezivizije utvrdili smo, da Ured gradonačelnika nije u roku od 30 dana, od dana prijema konačnog izvještaja o obavljenoj reviziji za 2014. godinu, sačinio i dostavio Uredu za reviziju navedeni Program mjera, što nije u skladu sa odredbama člana 17 stav 2 Zakona o reviziji javne uprave i institucija u Brčko distriktu BiH.

Potrebno je u roku predviđenim odredbama Zakona o reviziji javne uprave i institucija u Brčko distriktu BiH, dostaviti Uredu za reviziju javne uprave i institucija u Brčko distriktu BiH program mjera za prevazilaženje propusta i nepravilnosti utvrđenih u revizorskom izvještaju.

U navedenom Izvještaju o obavljenoj reviziji date su odgovarajuće preporuke u cilju otklanjanja uočenih propusta i nedostataka.

Osvrtom na preporuke date u Izvještaju o obavljenoj reviziji za 2014. godinu, te uvidom u poduzete aktivnosti, utvrdili smo slijedeće:

- **Realizovane preporuke**

Ured gradonačelnika je realizovao sljedeće preporuke:

- popis imovine planiran je i izvršen na način i u rokovima propisanim Upustvom o radu popisnih komisija i obavljanju popisa sredstava, izvora sredstava, potraživanja i obaveza i
 - donesen je akt koji reguliše način rada Komisije za praćenje izvršenja dodijeljenih sredstava po osnovu grantova (Naredbe gradonačelnika od 22.06.2015. godine, koja je donesena sa ciljem utvrđivanja i kontrole isplate grantova).
- **Nerealizovane preporuke**
Ured gradonačelnika nije realizovao sljedeće preporuke, koje se odnose na:

- obrazloženje izvršenja budžeta u tekstualnom dijelu, prezentovanje izdataka u skladu sa članom 22 Pravilnika o finansijskom izvještavanju i godišnjem obračunu budžeta Brčko distrikta BiH,
- povrat neutrošenih akontacija na dan sačinjavanja izvještaja o službenom putovanju u skladu sa Odlukom gradonačelnika, o vrsti visini naknada troškova službenog putovanja u organima javne uprave Brčko distrikta BiH,
- planiranje grantova neprofitnim organizacijama na javan, transparentan i ekonomičan način, u skladu sa Zakonom o budžetu Brčko distrikta BiH i
- planiranje i realizaciju sredstava grantova neprofitnim organizacijama, u skladu sa odredbama Zakona o budžetu Brčko distrikta BiH i Zakona o izvršenju budžeta Brčko distrikta BiH za 2015. godinu.

6. NALAZI I PREPORUKE

6.1. Rukovodstvo i sistem internih kontrola

Uredom gradonačelnika rukovodi gradonačelnik, Sekretarijatom Vlade Brčko distrikta BiH neposredno rukovodi Sekretar Vlade, Sektorima rukovode šefovi sektora, a odsjecima i službama rukovode šefovi odsjeka odnosno službi, koji raspoređuju poslove na službenike i namještenike, kontrolišu njihov rad i odgovorni su za rad odsjeka odnosno službe.

Izvršili smo procjenu funkcionisanja internih kontrola, kako bismo se uvjerali da li su iste uspostavljene, da li osiguravaju tačnu i potpunu primjenu i usklađenost poslovanja sa zakonskim i podzakonskim aktima, sa naglaskom na funkcionisanju internih kontrola kroz realizaciju programa rada, planiranja i izvršenja budžeta.

Ured gradonačelnika nije obezbijedio pretpostavke za kvalitetno kontrolno okruženje kako bi se rizici u poslovanju sveli na zadovoljavajući nivo, tako da smo u slijedećim slučajevima konstatovali određene propuste.

Program rada Vlade Brčko distrikta Bosne i Hercegovine donesen je sa značajnim kašnjenjem, što nije u skladu sa odredbama Poslovnika o radu Vlade Brčko distrikta Bosne i Hercegovine

Ured gradonačelnika nije donio pravilnike određene Zakonom o sigurnosti i zaštiti zdravlja radnika na radu, a isti bi bili osnova za regulisanje sistema internih kontrola značajnih procesa rada Inspektorata.

Ured Gradonačelnika nije donio novi organizacioni plan u roku koji je određen Odlukom o kategorizaciji radnih mjesta u organima javne uprave Brčko distrikta Bosne i Hercegovine.

Zaključivani su ugovori o obavljanju privremenih i povremenih poslova, koji su u toku 2015. godine trajali duže od 90 dana, što nije u skladu sa odredbama Zakona o radu Brčko distrikta BiH.

Nije izvršen popis potraživanja od zaposlenika, po osnovu datih akontacija za službeno putovanje, što nije u skladu sa odredbama Uputstva o radu popisnih komisija i obavljanju popisa sredstava, potraživanja i obaveza.

Dodjeljivani su grantovi pojedinim neprofitnim organizacijama, a da pri tome nisu poštivane odredbe Odluke o kriterijima za dodjelu grantova gradonačelnika Brčko distrikta BiH i Odluke o izmjeni i dopuni Odluke o kriterijima za dodjelu grantova gradonačelnika Brčko distrikta BiH.

Potrebno je donijeti sva nedostajuća akta i uskladiti postojeća u skladu sa zakonskim propisima, te vršiti dosljednu primjenu istih, radi uspostavljanja sistema internih kontrola i usklađenosti poslovanja sa zakonskim propisima.

6.2. Usklađenost sa zakonskim propisima

Gradonačelnik Brčko distrikta BiH je, dana 30.04.2015. godine, donio Odluku o kategorizaciji radnih mjesta u organima javne uprave Brčko distrikta BiH („Službeni glasnik Brčko distrikta BiH“ broj: 10). Cilj donošenja navedene Odluke je unapređenje procesa kategorisanja radnih mjesta u organima javne uprave i institucijama Brčko distrikta BiH, te donošenje novih organizacionih planova/pravilnika o unutrašnjoj organizaciji i sistematizaciji radnih mjesta (u daljem tekstu organizacioni plan/pravilnik).

Odredbama člana 19 Odluke o kategorizaciji radnih mjesta u organima javne uprave Brčko distrikta BiH regulisano je, da su organi javne uprave i institucije dužni da u roku od šest mjeseci donesu nove organizacione planove/pravilnike.

Revizijom smo utvrdili da Ured gradonačelnika nije, u roku koji je određen članom 19 Odluke o kategorizaciji radnih mjesta u organima javne uprave Brčko distrikta BiH, donio novi organizacioni plan.

Potrebno je, da Ured gradonačelnika poduzme aktivnosti na donošenju novog organizacionog plana, u skladu sa odredbama Odluke o kategorizaciji radnih mjesta u organima javne uprave Brčko distrikta BiH.

Članom 53 Zakona o papirima od vrijednosti je definisano da Komisiju za papire od vrijednosti imenuje Skupština na prijedlog gradonačelnika, te da mandat članovima Komisije traje pet godina.

Na prijedlog Gradonačelnika, Skupština Brčko distrikta Bosne i Hercegovine je donijela Odluku broj: 01-02-251/10 od 24.06.2010. godine o imenovanju predsjednika, zamjenika predsjednika i člana Komisije za papire od vrijednosti. Mandat imenovanih traje pet godina te ističe 24.06.2015. godine. Do isteka mandata nije provedena procedura izbora i imenovanja gore navedenih pozicija, te je Gradonačelnik Brčko distrikta BiH donio Odluku o produženju mandata predsjedniku, zamjeniku predsjednika i članu Komisije za papire od vrijednosti Brčko distrikta BiH broj 33-001269/15 od 18.06.2015. godine. Odluka o produženju mandata

predsjedniku, zamjeniku predsjednika i članu Komisije za papire od vrijednosti Brčko distrikta BiH, koju je donio gradonačelnik, nije u skladu s članom 53 Zakona o papirima od vrijednosti u dijelu mogućnosti produženja mandata i ovlaštenja za produženje mandata.

Potrebno je, da gradonačelnik, pri provođenju procedure izbora i imenovanja predsjednika, zamjenika predsjednika i člana Komisije za papire od vrijednosti, postupa u skladu sa Zakonom o papirima od vrijednosti.

Članom 10 Zakona o pravnim licima koja osniva Brčko distrikt BiH je propisano da članove upravnog odbora imenuje gradonačelnik nakon provedenog postupka javnog konkursa.

Razvojno garantni fond Brčko distrikta Bosne i Hercegovine je, u toku 2015. godine, gradonačelniku Brčko distrikta Bosne i Hercegovine uputio tri zahtjeva (broj 030/15 od 06.02., 145/15 od 09.07. i 224/15 od 06.11.2015. godine) za imenovanje člana Upravnog odbora Razvojno garantnog fonda Brčko distrikta Bosne i Hercegovine.

Također odredbama člana 11a) stava 1 Zakona o javnim preduzećima u Brčko distriktu BiH regulisano je, da upravne odbore javnih preduzeća imenuje gradonačelnik Brčko distrikta BiH na osnovu odluke nezavisne komisije o izboru kandidata za članove upravnog odbora, koju imenuje gradonačelnik Brčko distrikta BiH u skladu sa stavom 3 navedenog člana.

Revizijom smo utvrdili da u JP "Radio Brčko" d.o.o. Brčko distrikt BiH, tri člana upravnog odbora nisu blagovremeno imenovana na što smo ukazivali u prethodnim izvještajima revizije Javnog preduzeća.

Konstatujemo da su nam u toku revizije, predloženi dokazi da su tokom 2016. godine imenovani članovi Upravnog odbora Razvojno garantnog fonda Brčko distrikta BiH, kao i članovi Upravnog odbora JP „Radio Brčko“ Brčko distrikt BiH.

Potrebno je, da gradonačelnik blagovremeno poduzme aktivnosti vezane za imenovanje nedostajućih članova upravnih odbora pravnih lica koja osniva Brčko distrikt BiH i javnih preduzeća, u skladu s odredbama Zakona o pravnim licima koja osniva Brčko distrikt BiH i Zakona o javnim preduzećima u Brčko distriktu BiH.

Članom 18 Zakona o vladi Brčko distrikta Bosne i Hercegovine je propisano da se sljedeći akti gradonačelnika objavljuju u Službenom glasniku Brčko distrikta BiH: odluke, pravilnici, uputstva i naredbe. Članom 5 Zakona o Službenom glasniku Brčko distrikta Bosne i Hercegovine je propisano da se u Službenom glasniku objavljuju: Statut, zakoni, odluke i drugi akti koje donese Skupština Distrikta, gradonačelnik i druga tijela Distrikta u skladu sa zakonom kao i drugi akti tijela Distrikta, ako je tim aktom određeno objavljivanje.

U procesu revizije utvrdili smo da značajan broj akata Gradonačelnika nije objavljen u Službenom glasniku Brčko distrikta BiH. Neobjavljivanje akata Gradonačelnika nije u skladu s odredbama Zakona o vladi Brčko distrikta Bosne i Hercegovine i Zakona o Službenom glasniku Brčko distrikta Bosne i Hercegovine.

Potrebno je, da Ured gradonačelnika vrši objavljivanje akata gradonačelnika u skladu s odredbama Zakona o vladi Brčko distrikta Bosne i Hercegovine i Zakona o Službenom glasniku Brčko distrikta Bosne i Hercegovine.

Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 16. redovnoj sjednici održanoj 24. jula 2013. godine, usvojila je Zakon o sigurnosti i zaštiti zdravlja radnika na radu.

Odredbama člana 73 navedenog Zakona (Podzakonski akti) regulisano je da će Vlada Brčko distrikta BiH, na prijedlog Inspektorata, u roku od šest mjeseci od dana stupanja na snagu navedenog zakona donijeti sljedeće podzakonske akte:

- a. Pravilnik kojim se propisuje postupak i rokovi preventivnih i periodičnih pregleda i ispitivanja opreme za rad kao i preventivnih i periodičnih ispitivanja uslova radne sredine, odnosno hemijskih, bioloških, fizičkih štetnosti, mikroklima, elektro i gromobranskih instalacija, osim ionizirajućih zračenja,
- b. Pravilnik o načinu i postupku procjene rizika na radnom mjestu i u radnoj sredini,
- c. Pravilnik o sadržaju elaborata o uređenju gradilišta i radilišta,
- d. Pravilnik o načinu polaganja stručnog ispita iz sigurnosti i zaštite zdravlja,
- e. Pravilnik o načinu vođenja evidencije iz oblasti sigurnosti i zaštite zdravlja i
- f. Pravilnik o uslovima za izdavanje licenci za obavljanje poslova sigurnosti i zaštite zdravlja.

Provedenom revizijom ustanovili smo, da navedeni pravilnici nisu doneseni, a isti bi bili osnova za regulisanje sistema internih kontrola značajnih procesa rada Inspektorata.

Potrebno je da Inspektorat u skladu sa odredbama Zakona o sigurnosti i zaštiti zdravlja radnika na radu izradi navedene pravilnike, te da iste predloži Vladi Brčko distrikta BiH na usvajanje.

Članom 53 Statuta Brčko distrikta Bosne i Hercegovine je propisano da se Vlada sastaje najmanje jedanput sedmično na redovno zakazanoj sjednici. Članom 52 Statuta Brčko distrikta Bosne i Hercegovine je propisano da Gradonačelnik predsjedava Vladom te da je odgovoran za zakazivanje i vođenje sjednica Vlade Brčko distrikta BiH.

Vlada Brčko distrikta Bosne i Hercegovine je u toku 2015. godine održala 3 tematske sjednice, 23 redovnih sjednica i 38 vanrednih sjednica.

Broj održanih redovnih sjednica Vlade nije u skladu sa brojem koji je regulisan odredbama Statuta Brčko distrikta Bosne i Hercegovine.

Potrebno je redovne sjednice Vlade Brčko distrikta Bosne i Hercegovine održavati najmanje jedanput sedmično, u skladu sa odredbama Statuta Brčko distrikta Bosne i Hercegovine.

6.3. Plan i realizacija planom predviđenih zadataka

Članom 28 Poslovnika o radu Vlade Brčko distrikta Bosne i Hercegovine je propisano da Vlada donosi godišnji program rada najkasnije do 1. decembra tekuće godine za narednu godinu.

U procesu revizije smo utvrdili da je Vlada Odluku o odobravanju Programa rada Vlade Brčko distrikta Bosne i Hercegovine za 2015. godinu donijela dana 06.05.2015. godine.

Na osnovu navedenih činjenica konstatujemo da je Vlada donijela Program rada Vlade Brčko distrikta Bosne i Hercegovine sa značajnim kašnjenjem, što nije u skladu sa odredbama Poslovnika o radu Vlade Brčko distrikta Bosne i Hercegovine.

Potrebno je godišnji program rada Vlade Brčko distrikta BiH, donijeti u roku koji je regulisan odredbama Poslovnika o radu Vlade Brčko distrikta BiH.

Odredbama člana 41 Statuta Brčko distrikta BiH, regulisano je da gradonačelnik, u ime Vlade i Distrikta, podnosi Skupštini prijedlog godišnjeg budžeta za slijedeću godinu najmanje devedeset (90) dana prije isteka svake fiskalne godine.

U procesu revizije utvrdili smo, da gradonačelnik u ime Vlade i Distrikta nije, u roku propisanim Odredbama Statuta Brčko distrikta BiH, podnio Skupštini na razmatranje prijedlog godišnjeg budžeta za 2016. godinu.

Potrebno je, da gradonačelnik blagovremeno izvrši podnošenje prijedloga godišnjeg budžeta Skupštini na razmatranje, kako je to regulisano odredbama Statuta Brčko distrikta BiH.

6.4. Planiranje i izvršenje tekućeg budžeta

Tekući izdaci Ureda gradonačelnika za 2015. godinu planirani su u iznosu od 8.990.057,44 KM, a realizovani su u iznosu od 8.663.808,84 KM, odnosno 96,37% odobrenih sredstava, (što je prikazano u Tabeli broj: 1 koja se nalazi u Prilogu izvještaja).

Realizacija odobrenog tekućeg budžeta, na pojedinim pozicijama budžeta, nije pratila planiranu dinamiku. Niži nivo ostvarenja u odnosu na budžetom planirana sredstva, evidentan je kod slijedećih izdataka: naknade troškova zaposlenih 55,85%, putni troškovi 56,49%, izdaci za nabavku materijala i sitnog inventara 58,50%, izdaci za komunalne usluge 61,95%, izdaci za usluge prevoza i goriva 64,48%, izdaci za tekuće održavanje 71,88%, te izdaci za osiguranje i bankarske usluge 72,68%.

Niži procent realizacije navedenih pozicija tekućeg budžeta ukazuje na nerealno planiranje budžeta koje se zasniva na prethodnom iskustvu, postavljenim ciljevima i zadacima, kao i ostvarenju osnovne funkcije Ureda gradonačelnika. Na nizak procent realizacije tekućeg budžeta uticalo je neizvršavanje programskih zadataka Ureda gradonačelnika.

Potrebno je, da Ured gradonačelnika u odnosu na svoje potrebe kvalitetno i realno planira budžetska sredstva, kao i da poštuje odredbe Zakona o budžetu Brčko distrikta BiH i Zakona o izvršenju budžeta Brčko distrikta BiH za 2015. godinu, u dijelu efikasnog raspolaganja odobrenim budžetskim sredstvima.

6.4.1. Izdaci za bruto plate

Izdaci za plate odobreni budžetom iznose 3.909.200,33 KM, a izvršeni su u iznosu od 3.873.831,19 KM, odnosno 99,10 % odobrenih sredstava.

6.4.2. Izdaci za službena putovanja u zemlji i inostranstvu

Izdaci za službena putovanja u zemlji i inostranstvu planirani su u iznosu od 79.972,00 KM, a realizovani su u iznosu od 45.178,40 KM, odnosno 56,49 %.

Odredbom člana 9 stav (2) pod c) Odluke gradonačelnika, o vrsti i visini naknada troškova službenog putovanja u organima javne uprave Brčko distrikta BiH, broj: 02-000029/12 od 25.01.2012. godine (u daljnjem tekstu: Odluka gradonačelnika), regulisano je da izvještaj o službenom putovanju obavezno sadrži izjavu, da li su plaćeni troškovi smještaja i ishrane.

U postupku revizije utvrdili smo, da u izvještajima o službenom putovanju nisu sadržane izjave, da li su plaćeni troškovi smještaja i ishrane, što nije u skladu s članom 9 stavom 2 pod c) Odluke gradonačelnika.

Potrebno je, izvještaje o službenom putovanju sačinjavati u skladu s Odlukom gradonačelnika u dijelu izjave, da li su plaćeni troškovi smještaja i ishrane.

Gradonačelnik je, u skladu s odredbama člana 58 Pravilnika o knjigovodstvu Brčko distrikta BiH, Odlukom broj: 05-001049/15 od 22.10.2015. godine, imenovao komisiju za popis sredstava, izvora sredstava, inventara, potraživanja i obaveza.

Akontacije za službeno putovanje u inostranstvo isplaćivane su regionalnom službeniku pri stručnim tijelima Skupštine evropskih regija u Briselu u ukupnom iznosu od 21.177,16 KM. Pravdanje primljene akontacije nije izvršeno u iznosu od 13.546,94 KM, te je isti evidentiran na računu potraživanja od zaposlenih po osnovu datih akontacija.

U postupku revizije utvrdili smo da, na dan 31.12.2015. godine, popisna komisija nije izvršila popis potraživanja od zaposlenika, po osnovu datih akontacija za službeno putovanje, što nije u skladu s odredbama Uputstva o radu popisnih komisija i obavljanju popisa sredstava, potraživanja i obaveza ("Službeni glasnik Brčko distrikta BiH", broj: 30/08).

Popisna komisija, bila je u obavezi izvršiti popis potraživanja od zaposlenika, po osnovu datih a neopravdanih akontacija za službeno putovanje, što je propisano Uputstvom o radu popisnih komisija i obavljanju popisa sredstava, potraživanja i obaveza.

6.4.3. Ugovorene usluge

Izdaci za usluge po ugovorima o djelu i privremenim i povremenim poslovima, realizovani su u iznosu od 144.622,47 KM.

Odredbama člana 109 stav (1) Zakona o radu Brčko distrikta BiH regulisano je, da se može zaključiti ugovor o obavljanju privremenih i povremenih poslova, pod uslovom da privremeni i povremeni poslovi ne predstavljaju poslove za koje se zaključuje ugovor o radu na određeno ili neodređeno vrijeme, te da ne traju duže od 90 dana u toku kalendarske godine.

U postupku revizije utvrdili smo, da je Ured gradonačelnika sa pojedincima zaključivao ugovore o obavljanju privremenih i povremenih poslova, koji su u toku 2015. godine trajali duže od 90 dana, što nije u skladu sa odredbama člana 109 Zakona o radu Brčko distrikta BiH. Po navedenom osnovu isplaćeni su izdaci u najmanjem iznosu od 38.434,01 KM.

Potrebno je da se Ured gradonačelnika, prilikom zaključivanja ugovora o privremenim i povremenim poslovima, dosljedno pridržava odredbi Zakona o radu Brčko distrikta BiH u dijelu perioda angažovanja.

6.4.4. Tekući grantovi

Tekući grantovi za 2015. godinu planirani su u iznosu od 3.662.382,29,00 KM, a izvršeni su u iznosu od 3.653.590,29 KM, odnosno 99,76% od planiranih sredstava i isti se odnose na:

- grantove neprofitnim organizacijama 3.641.790,29 KM (tabela broj 3 u prilogu Izvještaja)
- grantovi gradonačelnika pojedincima..... 11.800,00 KM

Grantovi neprofitnim organizacijama realizuju se u skladu s Odlukom o kriterijima za dodjelu grantova gradonačelnika Brčko distrikta BiH broj: 01.3-0208KM-01/12 od 05. 01. 2012. godine (u daljnjem tekstu: Odluka o kriterijima), Odlukom o izmjeni i dopuni Odluke o kriterijima za dodjelu grantova gradonačelnika Brčko distrikta BiH, broj: 05-000059/12 od 26.03.2013. godine, Naredbom gradonačelnika, broj: 02-000210/15 od 22.06.2015. godine i Programom utroška sredstava za 2015. godinu.

Odredba člana 7 stava (4) Odluke o kriterijima regulisano je, da će Ured gradonačelnika na zvaničnoj web stranici Vlade Brčko distrikta BiH, objaviti spisak udruženja kojima je odobren grant u 2014. godini, a koja za isti nisu dostavila izvještaj o utrošku novčanih sredstava, te da se navedenim udruženjima neće moći dodijeliti grant u 2015. godini.

Revizijom smo utvrdili da su, u periodu 01.01.-31.12.2015. godine, pojedinim udruženjima dodjeljivani grantovi, i pored činjenice da ista nisu dostavila izvještaj o utrošku novčanih sredstava dodijeljenih po osnovu granta prethodne godine, što nije u skladu s odredbama Odluke o kriterijima.

Potrebno je, sredstva grantova udruženjima (neprofitnim organizacijama) odobravati u skladu s Odlukom o kriterijima za dodjelu grantova Gradonačelnika Brčko distrikta BiH.

Odredbama člana 5 stava (3) Odluke o kriterijima, regulisano je da se neće razmatrati novi zahtjev neprofitne organizacije (udruženja) u tekućoj godini: koja nije za ranije korištenje grantova dostavila izvještaj o utrošku sredstava, ili je komisija utvrdila da je neprofitna organizacija dostavila **lažnu izjavu** da nije koristila grant u prethodnoj godini ili je nepravilno utrošila odobrena sredstva.

Komisija za praćenje izvršenja dodijeljenih sredstava tekućih grantova u 2015. godini (u daljem tekstu Komisija) Zapisnikom, broj: 13-000464/15 od 20.02.2015. godine, konstatuje da je podnosilac zahtjeva za dodjelu sredstava granta između ostalog, priložio i izjavu da nije korisnik granta Kabineta gradonačelnika za 2014. godinu, te su Odlukom gradonačelnika, broj: 01.1-0100DA-004/15, istom odobrena sredstva.

Revizijom smo utvrdili, da je podnosilac zahtjeva bio korisnik granta Kabineta gradonačelnika u 2014. godini, a na osnovu činjenice u prethodno navedenom Zapisniku komisije (izjava podnosioca zahtjeva da nije bio korisnik granta Kabineta gradonačelnika za 2014. godinu) zaključujemo, da je podnosilac u svom zahtjevu dao **lažnu izjavu**, te da je Komisija propustila utvrditi provjeru vjerodostojnosti izjave, tj. Komisija nije postupila u skladu sa Odredbama člana 5 stav (3) Odluke o kriterijima.

Potrebno je, da se Komisija prilikom razmatranja zahtjeva za dodjelu grantova neprofitnim organizacijama (udruženjima), dosljedno pridržava odredaba Odluke o kriterijima za dodjelu grantova gradonačelnika Brčko distrikta BiH, u dijelu provjere vjerodostojnosti izjave podnosioca zahtjeva, odnosno da isti nije bio korisnik granta Kabineta gradonačelnika u prethodnoj godini.

6.5. Planiranje i izvršenje kapitalnog budžeta

Odobrena sredstva za kapitalni budžet u periodu od 2013.-2015. godine iznosila su 57.654,17 KM. Izvršenje budžeta kapitalnih potreba do 2015. godine iznosi 15.018,12 KM dok izvršenje u 2015. godini iznosi 10.387,65 KM (tabela broj 2 u prilogu izvještaja).

7. Komentar

Uredu gradonačelnika je uručen Nacrt izvještaja o reviziji finansijskog poslovanja u periodu 01.01.-31.12.2015. godine, broj: 01-02-03-13-222/16, na razmatranje i dostavljanje eventualnih novih dokaza i primjedbi na nalaze revizije.

U ostavljenom roku od 15 dana, Ured gradonačelnika se očitovao dopisom broj: 13-001372/16 od 07.06.2016. godine.

Primjedbe Ureda gradonačelnika s obrazloženjima na preporuke, date u Nacrtu izvještaja koje su rezultat naših nalaza, nismo uvažili. Ovo zbog toga, što se primjedbe i obrazloženja na preporuke date u Nacrtu izvještaja, odnose uglavnom na negiranje odgovornosti Ureda gradonačelnika, bez dostavljanja dodatne dokumentacije, koja bi utjecala na izmjenu nalaza i preporuka, te stoga Nacrt izvještaja postaje konačan Izvještaj.

Tim za reviziju:

Avdija Bašić, dipl. oec.

Milan Milašinović, dipl. oec.

8. PRILOZI IZVJEŠTAJA O REVIZIJI

Struktura planiranih i izvršenih tekućih izdataka po pozicijama Kancelarije gradonačelnika prikazana je u slijedećoj tabeli:

Tabela broj 1

Ekon. kod	Naziv ekonomskog koda	Planirani tekući budžet za 2015. god.	Virmanizacije i amandmani	Konačan plan 2015. god.	Izvršenje tekućeg budžeta 2015. god.	% izvršenja
1	2	3	4	5	6	7
611100	Bruto plate	4.175.680,79	-266.480,46	3.909.200,33	3.873.831,19	99,10
611200	Naknada troškova zaposl.	132.430,00		132.430,00	73.957,56	55,85
611000	Ukupne plate i naknade	4.308.110,79	-266.480,46	4.041.630,33	3.947.788,75	97,67
612000	Doprinosi poslod. i ost. dopr.	131.873,32	-9.178,50	122.694,82	122.105,59	99,52
	Izdaci za materijal i usluge	1.285.074,05	-130.724,05	1.154.350,00	940.324,21	81,46
613100	Putni troškovi	67.800,00	12.172,00	79.972,00	45.178,40	56,49
613200	Izdaci za energiju	22.000,00		22.000,00	20.857,87	94,81
613300	Izdaci za komun. usluge	54.300,00	1.773,40	56.073,40	34.739,86	61,95
613400	Nabavka materijala	77.100,00	-5.700,00	71.400,00	41.766,25	58,50
613500	Izdaci za usl. prev. i goriva	44.600,00	2.300,00	46.900,00	30.241,70	64,48
613600	Iznajmljivanje imov. i opre.	38.600,00		38.600,00	35.908,08	93,03
613700	Izdaci za tekuće održavanje	35.500,00	-1.943,40	33.556,60	24.120,12	71,88
613800	Izdaci osigur., bank. usluge i usl. platnog prometa	22.550,00	-502,00	22.048,00	16.024,19	72,68
613900	Ugovorene usluge	922.624,05	-138.824,05	783.800,00	691.487,74	88,22
614000	Tekući grantovi	3.556.882,29	105.500,00	3.662.382,29	3.653.590,29	99,76
614200	Grantovi pojedincima	9.000,00	4.000,00	13.000,00	11.800,00	90,77
614300	Grantovi neprof. organizac.	3.547.882,29	101.500,00	3.649.382,29	3.641.790,29	99,79
615200	Kapitalni grantovi	9.000,00		9.000,00	0,00	0,00
	U K U P N O tekući rashodi	9.290.940,45	-300.883,01	8.990.057,44	8.663.808,84	96,37

Budžet kapitalnih potreba

Tabela br. 2

God.	Planirani kapitalni budžet	Izvršenje kapitalnog budžeta do 01.01.2015.	Izvršenje kapitalnog budžeta u 2015. god.	Izvršeno na dan 31.12.2015. godine (4+5)	Neurošena planirana sredstava na dan 31.12.2015. (3-4-5)	% izvršenja na dan 31.12.2015. (6/ 3 x 100)
1	3	4	5	6	7	8
2013.	10.000,00	8.336,25		8.336,25	1.663,75	83,36%
2014.	47.654,17	6.681,87	10.387,65	17.069,52	30.584,65	35,82%
2015.	-	-	-	-	-	-
	57.654,17	15.018,12	10.387,65	25.405,77	32.248,40	44,07%

PRIHODI

Tabela br. 3

R. br-	Ekonomski kod	VRSTA PRIHODA	2015.		% ostvarenja
			plan prihoda	ostvarenje I-XII	
1.	720000	NEPOREZNI PRIHODI	880.350,00	652.154,41	74,08
2.	721000	Prihodi od poduzetničkih aktivnosti	4.400,00	900,00	20,45
3.	722000	Naknade i takse i prihodi od pružanja javnih usluga	725.950,00	607.846,09	83,73
4.	722100	Administrativne takse	25.950,00	9.560,00	36,84
5.	722200	Sudske takse i sudske naknade	0,00	0,00	0,00
6.	722300	Komunalne takse	0,00	0,00	0,00
7.	722400	Ostale budžetske naknade	600.000,00	498.256,09	83,04
8.	722500	Posebne naknade i takse	100.000,00	99.244,00	99,24
9.	722600	Prihodi od pružanja javnih usluga	0,00	0,00	0,00
10.	722700	Neplanirane uplate	0,00	0,00	0,00
11.	723000	Novčane kazne	150.000,00	43.408,32	28,94
12.	700000	UKUPNO PRIHODI	880.350,00	652.154,41	74,08

Grantovi neprofitnim organizacijama

Tabela br. 3

Redni broj	Korisnik	Iznos
1.	MZ Laništa	3.000,00
2.	MZ Ulović	2.500,00
3.	MZ Grbavica	40.000,00
4.	MZ Skakava Gornja	5.000,00
5.	MZ Vukšić	2.000,00
6.	Sveučilište Mostar	500,00
7.	MZ Popovo Polje	35.000,00
8.	MZ Boće	2.000,00
9.	MZ Bukvik	20.000,00
10.	MZ Cerik	5.000,00
11.	Šahovski klub Jedinstvo Brčko	3.000,00
12.	Muški odbojkaški klub Jedinstvo	5.000,00
13.	FK Lokomotiva Brčko	3.000,00
14.	KBS Lokomotiva Brčko	7.000,00
15.	Klub borilačkih vještina Brčko	10.000,00
16.	NK Dubrave Dubrave	5.000,00
17.	NK Ravne Zovik	2.000,00
18.	NK Majeвица Rašljani	2.000,00
19.	Odbojkaški klub invalida Brčko	5.000,00
20.	NK Vitanovići 78 Vitanovići	1.500,00
21.	Planinarsko društvo Granaš Brčko	10.000,00
22.	Planinarsko društvo Platan Brčko	3.000,00
23.	Planinarsko društvo Čičak Orašje	1.000,00
24.	OFK Brezik Brezik	1.000,00
25.	Klub Real Aikado Brčko	1.000,00
26.	Sportsko ribolovni savez BiH	5.000,00
27.	Sportsko društvo Distrikt Brčko	3.000,00
28.	Stonoteniski klub Ražljevo	800,00
29.	OK Tempo Rražljevo	800,00
30.	Biciklistički klub Sv.Nikolaj Brčko	500,00
31.	Planinarsko društvo Njivice Bijela	10.000,00
32.	Atletski klub škola I sporta Cross Brčko	3.000,00
33.	Udruženje građana Konjički klub djeca vjetra	3.000,00
34.	Hrvatski nogometni klub Veterani Bijela	3.000,00
35.	Udruženje za sport I rekreaciju Sportek Brčko	3.000,00
36.	Privredna Komora Brčko	5.000,00
37.	SPKD Prosvjeta Brčko	5.000,00

38.	Kolo srpskih sestara Majka Jevrosima Brčko	10.000,00
39.	HKUD Župa Zovik G.Zovik	5.000,00
40.	Radio Brčko distrikt	470.000,00
41.	Međureligijsko vijeće BiH Sarajevo	15.000,00
42.	Udruženje mladih Izvor Brčko	3.000,00
43.	Udruženje ljubitelja umjetnosti Brčko distrikt	9.000,00
44.	Likum Udruženje lik.umjetnika Brčko	10.000,00
45.	Gradsko KUD Brčko	7.000,00
46.	KUD Skakava 06 Gornja Skakava	1.500,00
47.	Dječji kulturni centar Bijeljina	25.500,00
48.	Proni Centar za omlad.razvoj Brčko	12.308,00
49.	Merhamet Udruženje građana Bošnjaka Brčko	10.000,00
50.	Crveni krst-križ Brčko	10.000,00
51.	SKUD Krepšić	3.000,00
52.	Obrazov.centar Civitas Sarajevo	10.000,00
53.	Udr.demob.bor.Arm.BiH u Brčko distr.	8.000,00
54.	Vrh bosan.nadbiskup.brčan.dekanat Brčko	240.000,00
55.	Srpska pravoslavna opština Brčko	430.300,00
56.	Srpska pravoslavna opština Ražljevo	30.000,00
57.	Udruž.hotelij.i restoratera Brčko	20.000,00
58.	Udruženje građana Da se ne zaboravi Brčko	2.000,00
59.	Udruž.nestal.nas.odv.i ubij.Bošnjaka Brčko distrikt	6.000,00
60.	Bošnjačka zajednica kult.Preporod Brčko	1.000,00
61.	Udruženje Tuzlanska Amica Tuzla	30.000,00
62.	Udruženje mladih Ihlas	2.000,00
63.	Župa Sv.Antuna Pustinjska Gorice	10.000,00
64.	Udruženje-udruga logoraša Brčko	2.000,00
65.	Vrh.bos.nadbisk.Župa rođ.blaž.djev.Marije Ulice	50.000,00
66.	Župa Sv.Franje Asiškoga Zovik	45.000,00
67.	Župni ured Sv.Ante Padovanskog Boće	70.000,00
68.	Vrhbosanska nadb.Sniježna gospa Poljaci	70.000,00
69.	Forum mladih Za demokratiju Brčko	2.000,00
70.	Franj.samostan Sv.Ante Padovanski Dubrave	164.000,00
71.	KUD”Sveti Vasilije Ostroški”Gredice	1.000,00
72.	Udr.filmski festival Dani hrvatskog filma Orašje	5.000,00
73.	Medžlis islamske zajednice Brčko	696.174,60
74.	Protestantska evanđeoska crkva	3.000,00
75.	Srpska pravoslavna crkvena opština Grčica	112.000,00
76.	Srpska pravoslavna crkvena opština Donji Brezik	15.000,00
77.	Udruženje Brčanski demokratski forum Brčko	35.000,00
78.	Srpska pravoslavna crkvena opština Brezovo Polje	45.000,00
79.	Crkveni hor Sveta Petka Brčko	3.000,00
80.	Srpska pravoslavna crkvena opština Potočari	150.000,00

81.	Opština Srebrenica Srebrenica	139.000,00
82.	Opština Lopare RS	33.407,69
83.	Udruženje građana Resursni centar Brčko	4.500,00
84.	Evropski pokret u Bosni i Hercegovini	30.000,00
85.	Mladi volonteri Visoko	1.000,00
86.	Akademija nauka i umjetnosti BiH Sarajevo	1.000,00
87.	Radio-televizija BiH	50.000,00
88.	JP Radio-televizija RS	50.000,00
89.	Udruga Snaga žene Tuzla	3.500,00
90.	Srpska pravoslavna crkvena opština kolubarsko grbavička	20.000,00
91.	Srpska pravoslavna crkvena opština Lončari	25.000,00
92.	Srpska pravoslavna crkvena opština bukvička Brčko	20.000,00
93.	Srpska pravoslavna crkvena opština Brezik	60.000,00
94.	Opština Šamac Republika Srpska	50.000,00
95.	Udruženje privatnih poduzetnika Orašje	4.000,00
96.	Srpska pravoslavna crkvena opština Buzekara	75.000,00
97.	Vjersko dobrotvorno starat. arh. namjesništva Brčko	10.000,00
	UKUPNO	3.641.790,29